

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ПРЕДСТАВНИЧКИ ДОМ

Комисија за спољне послове



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

PREDSTAVNIČKI DOM/ZASTUPNIČKI DOM

Комисија за ванјске послове
Povjerenstvo za vanjske poslove

ORIJENTACIONI RADNI PLAN
KOMISIJE ZA VANJSKE POSLOVE ZA 2013. GODINU

Sarajevo, januar 2013.

Na osnovu člana 42. i člana 36. Poslovnika Predstavničkog doma Parlamentarne skupštine BiH, **Komisija za vanjske poslove Predstavničkog doma Parlamentarne skupštine Bosne i Hercegovine** na 31. sjednici, održanoj 27. 2. 2013., donijela je

ORIJENTACIONI PLAN RADA KOMISIJE ZA VANJSKE POSLOVE PREDSTAVNIČKOG DOMA ZA 2013. GODINU

UVOD

Komisija za vanjske poslove Predstavničkog doma Parlamentarne skupštine BiH (u daljnjem tekstu: Komisija) pratit će i razmatrati određena pitanja iz svoje nadležnosti tako što će se odrediti o svakom konkretnom pitanju vodeći računa o rokovima i kontinuitetu sjednica, te osigurati kvalitetnu pripremu rada i što efikasnije funkcioniranje Predstavničkog doma, a time i Parlamentarne skupštine BiH.

Način na koji će pratiti i razmatrati određena pitanja Komisija će odrediti u svakom konkretnom slučaju, vodeći računa o potrebnom: kontinuitetu sjednica Komisije, mogućnosti osnivanja potkomisija ili radnih tijela, delegacija, te pojedinačnim angažiranjem članova Komisije kao i o saradnji predloženoj od nadležnih tijela BiH ili međunarodnih organizacija.

Vremenska dimenzija Programa rada Komisije utvrđena je po kvartalima u jednoj godini sa osnovnim ciljem: da se planirana ili predložena pitanja razmatraju **na vrijeme**, da aktivnosti budu koordinirane sa zahtjevima Predstavničkog doma i prijedlozima organizatora, ali i da se nastavi plansko realiziranje sjednica Komisije određivanjem datuma njihovog održavanja.

Infrastruktura, prostor za rad i administrativna pomoć Komisiji uslovi su za ostvarivanje programa i dobrog i efikasnog rada Komisije i njenih članova.

Djelokrug Komisije određen je članom 42. Poslovnika Predstavničkog doma Parlamentarne skupštine BiH prema kojem:

1) Komisija za vanjske poslove:

- a) prati vođenje vanjske politike Predsjedništva BiH i Vijeća ministara BiH;
- b) razmatra pitanja saradnje Bosne i Hercegovine s Ujedinjenim narodima i međunarodnom zajednicom;
- c) razmatra pitanja međuparlamentarne saradnje s odgovarajućim komisijama parlamenata drugih zemalja;
- d) razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za evropsku sigurnost i saradnju, te drugim međunarodnim organizacijama;
- e) razmatra pitanja rada institucija BiH, kompetentnih za pitanja vanjskih poslova i međunarodnih odnosa;
- f) razmatra aktivnosti stalnih i privremenih delegacija Parlamentarne skupštine BiH u međuparlamentarnim institucijama; i
- g) razmatra pitanja davanja i otkazivanja saglasnosti za ratificiranje međunarodnih ugovora.

Komisija razmatra i druga pitanja iz oblasti međunarodnih i vanjskih poslova.

2) Važnu dimenziju sadržaja rada Komisije u 2013. godini treba da daju **zaključci o pitanjima iz oblasti vanjske politike** kojima Predstavnički dom Parlamentarne skupštine BiH izražava podršku:

- principima vanjske politike Bosne i Hercegovine,
- prioritetima, posebno kada je u pitanju saradnja sa susjedima, regionalne integracije, što brže približavanje i uključivanje u evropske integracije i ekonomski ciljevi u okviru vanjske politike,
- ciljevima i pravcima djelovanja koji vode do stjecanja kandidatskog statusa Bosne i Hercegovine u Evropskoj uniji;
- aktivnostima institucija BiH u nastojanjima da naša zemlja nastavi biti istaknuti subjekt borbe protiv organiziranog kriminala i korupcije, kao i terorizma i pripadnica antiterorističke koalicije.

Prihvatajući činjenicu da u ujedinjenoj Evropi postojeće granice ne smiju postati granice podjele nego spajanja država i naroda, Predstavnički dom izražava podršku ovom cilju i zahtjevu da ukupna parlamentarna i diplomatska aktivnost građana i državljana BiH i njihovih institucija treba da doprinese ostvarivanju ovog cilja.

Obaveza izrade i dostavljanja orijentacionog radnog plana za sve komisije predviđena je članom 60. stav (2) Poslovnika Predstavničkog doma Parlamentarne skupštine Bosne i Hercegovine.

Vijeće ministara BiH dostavilo je Parlamentarnoj skupštini BiH, 21.1.2013., Program rada Vijeća ministara BiH za 2013. godinu. Prijedlozi zakona, sporazuma za ratifikaciju i drugih akata iz nadležnosti Komisije, koje Vijeće ministara BiH planira uputiti u parlamentarnu proceduru, bit će razmatrani na sjednicama Komisije u skladu s rokovima predviđenim Poslovníkom Predstavničkog doma.

Za uspješnu realizaciju Radnog plana potrebna je tehnička podrška Sekretarijata Parlamentarne skupštine BiH, kao i dobra saradnja s institucijama u čijem djelokrugu su pitanja iz nadležnosti Komisije, prije svega s Ministarstvom vanjskih poslova BiH.

PLANIRANE AKTIVNOSTI ZA PERIOD JANUAR-MART

a) Zakonodavna aktivnost

1. Prijedlog zakona o postupku zaključivanja i izvršavanja međunarodnih ugovora, predlagač: Vijeće ministara BiH.
2. Prijedlog zakona o obavljanju vanjskih poslova, predlagač: Vijeće ministara BiH.

b) Ostale aktivnosti

- razmatranje Izvještaja o radu Komisije u 2012. godini;

- razmatranje Radnog plana Komisije u 2013. godini ;
- razmatranje Izvještaja o radu Ministarstva vanjskih poslova BiH u 2012. godini u okviru Izvještaja o radu Vijeća ministara BiH u 2012. godini;
- razmatranje Plana rada Ministarstva vanjskih poslova BiH u 2013. godini u okviru Plana rada Vijeća ministara BiH za 2013. godinu;
- razmatranje davanja i otkazivanja saglasnosti za ratifikaciju međunarodnih sporazuma i ugovora kako budu stizali u parlamentarnu proceduru i dostavljanje izvještaja Predstavničkom domu;
- održavanje sastanka predsjedavajućih parlamentarnih komisija za vanjske poslove (politiku/međunarodne odnose) Bosne i Hercegovine, Hrvatske, Srbije i Crne Gore, 15. 3.2013. u Sarajevu;
- razmatranje izvještaja o rezultatima posjete delegacija Parlamentarne skupštine BiH u međunarodnim aktivnostima koji budu dostavljeni Komisiji u ovom periodu;
- razmatranje prijedloga i inicijativa državnih tijela, međunarodnih organizacija i nadležnih tijela drugih zemalja za različite oblike parlamentarnih aktivnosti i međuparlamentarne saradnje kao i razmjena bilateralnih posjeta komisija za vanjske poslove;
- prijem novoimenovanih ambasadora BiH u inozemstvu kao i stranih ambasadora akreditiranih u Bosni i Hercegovini;
- razmatranje prijedloga i inicijativa međunarodnih organizacija (OSCE,VE...) kao i organizacija civilnog sektora (VPIBiH, Atlantska inicijativa, Međunarodni forum Bosna, itd.) za različite oblike saradnje, te utjecaj nevladinog sektora na vanjsku politiku BiH;
- međunarodna saradnja:
 - poziv Komisije za vanjske poslove Parlamenta Švicarske za uzvratnu posjetu Švicarskoj;
 - poziv Komisije za vanjske poslove Parlamenta Turske za uzvratnu posjetu Turskoj.

PLANIRANE AKTIVNOSTI ZA PERIOD APRIL-JUNI

b) Ostale aktivnosti

- razmatranje davanja i otkazivanja saglasnosti za ratifikaciju međunarodnih sporazuma i ugovora kako budu stizali u parlamentarnu proceduru i dostavljanje izvještaja Predstavničkom domu;

- održavanje tematske sjednice ili stručnog savjetovanja pod nazivom „Uloga parlamentarne diplomatije u vanjskoj politici BiH“ u saradnji s Misijom OSCE-a u BiH;
- razmatranje i poticanje za ubrzanje aktivnosti na pripremi Zakona o obavljanju vanjskih poslova BiH te Strategije vanjskih poslova BiH - materijal Ministarstva vanjskih poslova BiH i doprinos Komisije za vanjske poslove ovom zakonskom projektu;
- razmatranje informacija Ministarstva vanjskih poslova BiH o potrebnim diplomatskim i parlamentarnim aktivnostima na ekonomskom, političkom i drugom planu u svrhu jačanja saradnje i međunarodnog položaja BiH;
- razmatranje prijedloga i inicijativa državnih tijela, međunarodnih organizacija i nadležnih tijela drugih zemalja za različite oblike parlamentarnog rada i međuparlamentarne saradnje;
- razmatranje izvještaja o aktivnostima delegacija Parlamentarne skupštine BiH dostavljenih Komisiji u ovom periodu;
- razmatranje (u saradnji sa Zajedničkom komisijom za evropske integracije i DEI-jem) dinamike ispunjavanja uslova za napredak ka narednim fazama evropskih integracija;
- organiziranje tematske sjednice ili okruglog stola o “Aktuelnoj situaciji u vanjskoj politici u BiH” u saradnji s Vanjskopolitičkom inicijativom BiH;
- prijem novoimenovanih ambasadora BiH u inozemstvu kao i stranih ambasadora akreditiranih u Bosni i Hercegovini;
- međunarodna saradnja:
 - posjeta Komisije nekom od vanjskopolitičkih odbora u regionu, zemlji članici EU (Rumunija) ili nekoj drugoj državi iz koje Komisija ima poziv (SR Njemačka, Izrael, Iran), kao i prijem jednog od vanjskopolitičkih odbora koje je Komisija pozvala u posjetu.

PLANIRANE AKTIVNOSTI ZA PERIOD JUNI - SEPTEMBAR

a) Zakonodavna aktivnost

1. Prijedlog zakona o uslovima pod kojima građani drugih država mogu glasati na teritoriji Bosne i Hercegovine, predlagač: Vijeće ministara BiH.

b) Ostale aktivnosti

- razmatranje davanja i otkazivanja saglasnosti za ratifikaciju međunarodnih sporazuma i ugovora kako budu stizali u parlamentarnu proceduru i dostavljanje izvještaja Predstavničkom domu;

- organiziranje tematske sjednice o temi: „Analiza stanja u diplomatsko-konzularnoj mreži Bosne i Hercegovine“;
- razmatranje izvještaja o aktivnostima delegacija Parlamentarne skupštine BiH dostavljenih Komisiji u ovom periodu;
- prijem novoimenovanih ambasadora BiH u inozemstvu kao i stranih ambasadora akreditiranih u Bosni i Hercegovini;
- međunarodna saradnja:
 - odlazak Komisije na sastanak nekom od vanjskopolitičkih odbora u regionu (Srbija ili Crna Gora) kao i prijem jednog od vanjskopolitičkih odbora koje je Komisija pozvala u posjetu.

PLANIRANE AKTIVNOSTI ZA PERIOD SEPTEMBAR - DECEMBAR

c) Ostale aktivnosti

- razmatranje davanja i otkazivanja saglasnosti za ratifikaciju međunarodnih sporazuma i ugovora kako budu stizali u parlamentarnu proceduru i dostavljanje izvještaja Predstavničkom domu;
- prijem novoimenovanih ambasadora BiH u inozemstvu kao i stranih ambasadora akreditiranih u Bosni i Hercegovini;
- razmatranje prijedloga i inicijativa državnih tijela, međunarodnih organizacija i nadležnih tijela drugih zemalja za različite oblike parlamentarnog rada i međuparlamentarne saradnje;
- razmatranje koncepta nastupa i izvještaja o aktivnostima delegacija Parlamentarne skupštine BiH dostavljenih Komisiji u ovom periodu;
- rasprava na Komisiji o stanju regionalne saradnje, te o izvještajima s regionalnih konferencija održanih tokom godine (Igmanska inicijativa, RCC, SEECP....);
- ocjena iskustava u protoku informacija iz oblasti vanjske politike kroz Parlamentarnu skupštinu BiH, Predsjedništvo BiH i Ministarstvo vanjskih poslova BiH, te o dostupnosti informacija članovima Komisije za vanjske poslove;
- praćenje ispunjavanja postprijemnih obaveza BiH prema Vijeću Evrope, te rada stalne delegacije PSBiH u PSVE;
- međunarodna saradnja:
 - odlazak Komisije na sastanak nekom od vanjskopolitičkih odbora u regionu (Srbija ili Crna Gora) kao i prijem jednog od vanjskopolitičkih odbora koje je Komisija pozvala u posjetu;

- razmatranje pitanja organizacije i planiranja rada Komisije u 2013. godini i potrebne pomoći Komisiji od stručne službe doma u oblasti procedure, specijalističke analize (istraživanja), administrativne pomoći i troškova (novca).

ZAKLJUČAK

Sadržaj rada u 2013. godini i vremenska dinamika realiziranja Radnog plana postavljeni su okvirno, prema očekivanjima aktivnosti na nivou BiH i prema potrebnoj koordinaciji s drugim tijelima nadležnim za vanjske poslove. Pomjeranje rokova za razmatranje pitanja iz plana je moguće, zavisno od prispjeća materijala od institucija od kojih se to očekuje, s osnovnim ciljem da se materijali što kraće zadržavaju u Komisiji i u ukupnoj parlamentarnoj proceduri. Prema Programu rada Vijeća ministara BiH za 2013. godinu, iz domena djelokruga Komisije u parlamentarnoj proceduri naći će se tri zakonska projekta, više podzakonskih akata kao i 165 međunarodnih sporazuma i ugovora predviđenih za ratifikaciju.

Neka od pitanja se s razlogom ponavljaju po tromjesečjima, pa možda i mjesečno zbog potrebe njihovog redovnog razmatranja u Komisiji. Naredne protokolarne aktivnosti iz okvira međuparlamentarne saradnje Komisija će razmatrati na svakoj od svojih sjednica, učešća članova Komisije u radu konferencija, okruglih stolova i radionica koje organiziraju nevladine organizacije bit će redovno i prema njihovoj dinamici, a nastupi ambasadora pred Komisijom bit će organizirani prema Planu Ministarstva vanjskih poslova BiH.

Sarajevo, januar 2013. godine

PREDSJEDAVAJUĆI KOMISIJE
dr. Mirza Kušljagić

Prijedlog radnog plana Komisije sačinila:
Merdžana Iglica, sekretar Komisije

Dostavljeno:

- Indoku
- a/a